

土產

穀之屬

黍 稷 稻 糯 粟 麥 大麥 蕎麥 燕麥

豌豆 黃豆 小豆 菜豆 豇豆 蚕豆 芝

麻

蔬之屬

笋 蕨 葱 蒜 韭 菌 芥菜 菠菜 白菜

芹菜 油菜 萵苣 蘿蔔 芫荽 莧菜 絲瓜

平利縣志

卷四 土產

三

王瓜 菜瓜 北瓜 東瓜 瓠子 茄子 扁

豆 四季豆

菓之屬

梅 梨 棗 栗 桃 杏 李 柿 銀杏 葡萄

萄 石榴 蘋菓 西瓜 櫻桃 林檎 木瓜

香圓

花之屬

牡丹 芍藥 蘭 蕙 桂 蓮 梅 李 桃

杏 萱 葵 菊 臘梅 石榴 海棠 玫瑰
薔薇 紫荊 隸棠 玉簪 鷄冠 鳳仙 槵子
芙蓉 綉球 籃菊 木槿 石竹 罌粟 金
絲桃 秋海棠 七里香

木之屬

松 栢 檜 榆 楸 槐 椿 杉 楊 柳
栗 楓 櫟 楮 桑 柘 榭 漆 竹 橡
冬青 白柞 梧桐 花栗 紅豆木

平利縣志

卷四 土產

三

藥之屬

丹皮 百合 芍藥 厚朴 杜仲 木通 細辛
柴胡 牛膝 白芨 半夏 黃栢 紫蘓 薄
荷 茱萸 蒼朮 菴荃 常山 大黃 薏仁
香附子 天門冬 麥門冬 車前子 何首烏
牛旁子 草麻子 天南星 石菖蒲 益母草
金銀花 水黃連
禽之屬

災祥

雍正六年戊申五月大雨連日夜平地水湧冲坍縣城西南六十餘丈

乾隆十八年六月初五日寅時豐口壩民張寧妻呂氏一產三男現皆存活知縣黃寬隨經具詳

各憲轉詳

督撫二憲批准會

題於乾隆十九年正月二十二日

平利縣志

卷四

災祥

三

陝撫鍾

題為一產三男事該臣看得

太和翔洽普天慶樂育之庥

至治光昭秦甸兆蕃昌之象榮生春草茅簷滋長

男孚毓駢枝和氣感孚同乳據布政司唐 詳稱

平利縣民張寧妻呂氏於乾隆十八年六月初五

日一產三男現俱存活取結詳報前來謹會同陝

甘督臣永 合詞恭

疏具

題請

旨三月初八日奉

旨該部知道三月二十二日

禮部移知

戶部四月二十九日轉咨

陝西巡撫部院照例賞給米五石布十疋照依時價折銀九兩二錢五分於六月二十九日

平利縣志

卷四 災祥

三五

藩庫給領張寧具領在案

知縣黃寬謹按凡志災祥之書令人知所做懼觀感也今邑中編紀闕如僅列二則以俟續載
總之蒼生幸逢

聖世鑿井耕田安享太平歲月仁風浹洽化日舒長
祥莫大焉凡屬士民不可不知

藝文

重修平利縣治記

明教劉博

陝之漢中屬邑有曰平利縣者在萬山之中接楚蜀之境左有女媧仙跡右有真武靈壇前則灌溪縈紆後則月河旋繞羣山聳峙萬木喬森誠佳麗地也奈我朝開設之初迫於兵燹土曠人稀生理鮮少創建縣治財力不敷規模狹小編竹為墻壘土作堦樸陋苟簡不足以壯邑觀而施政令也歷年既久風雨飄

平利縣志

卷四 藝文

三六

淋所司因循繕治未經鼎建逮成化紀元聖皇御極生齒日繁利源大興適太原安公章來宰斯邑毅然以興廢舉廢為已任乃曰為政首務莫先於興學校事神祇於是命匠須材改修廟學以為育賢之所創建臬署以駐觀風之使修城隍廟以司幽政蓋立天觀以福生靈百廢漸興庶務頗振將有事於縣宇而公以故去任矣厥後內黃趙公相賢繼為宰志同道合又得慕賓射洪張公瑾協心贊襄設法措置命工

師採大木作廳事三鉅楹苦以鱗瓦鎮以獸吻左為
庫藏右為幕廳東西旁列六曹限以中門門外建樵
樓設囹圄民樂趨事規制苟完遂創建府館修理舖
舍甃臺以甃砌街以石而縣治煥然一新誠可憇棠
陰以聽民之歌頌矣然大綱雖舉衆目未張迺成化
戊戌濟寧劉公倫以雄偉之才任牧民之寄蒞政初
即增修廟學作新斯民不踰年而政通人和乃以次
修舉廢墜整理庶務鼎新廨宇修砌門垣置鐘鼓密

平利縣志

卷四 藝文

三

定更漏建倉廩以廣儲備設橋梁以通往來開市肆以
集商賈練士勸農築壇壝修廟宇他如祭祀有器甲
明有亭陰陽有學惠民有局守門有旗戟防盜有廼
舖完舊益新視前為盛雖通邑大都亦不多讓矣噫
諸公之政跡顯著如此苟無文以紀之不幾於泯沒
乎是以訓科黎顯率邑人之在官者請予叙其顛末
勒諸堅砢用傳不朽予惟自古明王奉若天道建邦
設都樹后王君公承以大夫師長不惟逸豫惟以亂

民而已我朝法古圖治率由斯道而於守令尤加意焉蓋以守令乃民之師帥所以承流而宣化也得其人民受其福非其人民受其殃今諸公先後相繼修理縣治以為施政之所真可謂克勤乃事矣繼自今宰斯邑者尚當道之以德齊之以禮漸仁摩義惇典敷教務俾黎民敏德百姓昭明大回淳古之風庶不負明天子建官福民意矣是為記

平利縣改建廟學記

明邑張極

平利縣志

卷四 藝文

三

余戊寅冬尹平利縣至三日展謁

先師孔子退登明倫堂諸生執經義次講畢周旋徘徊殿堂庶序齋亭輪奐惕然進諸生而詢之僉曰後枕邑治龍山之脉前臨越水文杰奔之雄當山川勝槩實改遷於隆慶辛未邑尹羅君琪為文事不振而新之既割邑牧愛堂之右隙地以益學地而復市士民圃址以廣規度甃培洪基巍登軒豁凡廣廟址二十二丈儀門地十八丈櫺星門址九丈凡深廟址二十

四丈明倫堂址二十八丈啟聖祠址四丈五尺學署
十一丈中為

先師廟三楹臺下兩翼廡六楹戟門三楹前櫺星門
一座廟右為明倫堂三楹中小坊臺下禮門三楹前
風化坊一座堂石啟聖祠三楹前坊門右若干丈至
西門為儒林坊廟左為教諭署九楹前二門其為費
取諸舊基之羨四百金令更時絀數載而工猶未竣
其繼贊與勞者先尹李公應化典史劉朝相也迨萬

平利縣志

卷四 藝文

三

歷六年分守道曲周袁公府臺臨海項公會議受命
署縣漢陰主簿高溼脩其缺增地修啟一亭三楹深
六丈後廣四丈前廣三丈周繚以垣新博文約禮二
齋四楹及訓導署八楹陶磚瓦甍露臺堂堦飾丹漆
繪畫又清羨餘費百餘金始儀矩稱完迄工神既妥
靈士亦樂居余誦其盛舉而不鐫諸石曷勸來者居
無何教諭吳君玠士夫羅君憲祖輩偕諸生張羽鴻
王偉具顛末請記余因喟然興曰振作學校茲吾有

司責庸可以弗文讓耶粵稽諸學記曰君子如欲化
民成俗其必由學乎又曰古之王者建國君民教學
為先是知教化者轉移風俗之機學校者推行教化
之地是故采芹泮水魯國以盛青矜城闕鄭俗由衰
其所係大矣哉我聖天子甫定太平茂弘理道首飭
天下郡縣皆建學以育賢才圖化理也重師儒月考
以督其勤屬有司季考以董其成專風憲歲考以提
其綱又頒五經四書于泮宮以端趨向昭精一之心

平利縣志

卷四 藝文

學

學而惓惓於庠序之教者真有以見夫賢士之所關
者匪細也平利士子詩書禮樂日勃興矣行將有俊
偉黼黻大猷者出夫豈徒聚于會文講藝之地已哉
士須學學須博文約禮以求進于聖賢精一之學而
措諸叅贊彌綸之業胥此乎出焉者也是故以之明
體以之適用自伏羲堯舜傳之伊周孔孟率是道也
若曰呻其呫畢啜英咀華不本之明倫執中之學而
徒相與竊取乎青紫則學其所學非吾

夫子之所謂學矣寧不均負今日建學育才之意也
哉諸生咸曰敬聞命矣因次第其言而書以為之勸
重修興安州志跋
明邑陳謹言徽州人
萬曆初先君宦平利嘗稱縣雖山褊閭閻瞻足風俗
淳龐今言復來視先君時干不一敵州若縣今昔異
趨世變江河哉司政者有責焉州守許公修志成頒
示六屬公於世道升沉風俗隆替不啻觀火轉否返
澆以還淳泰身任之矣六屬俱當奉指南也

平利縣志

卷四 藝文

單

知縣黃寬謹按陳公父子皆令平利亦屬仕途
異數惜其父名諱及到任年分已缺不可攷因
閱州志檢得此跋亟載入藝文以見一時佳話

平利縣鈔本志序

令邑古澧

邑之有志乘所以載一國之典故民物以裨政教者
也故上經天文下緯地理學校以崇文教祠壇以修
祀事衙署所以聽治也城池所以衛民也關津駐防
所以慎封守也田賦倉儲茶鹽所以供上而厚下至

於職官之賢否戶口之盛衰風俗之美惡物產之豐
耗古跡之遺留與夫薦紳先生耆舊碩德忠孝節烈
仙踪佛跡神靈詭異鴻文鉅篇靡不畢載于書故覽
其書者如親其地而觀風問俗凡地勢之險夷典制
之修廢吏治之良酷民生之休戚無不歷歷在目是
邑乘之設洵經國之業不朽之盛事而有裨於政教
者也但平邑在千巖萬壑之中幅幘廣袤六百餘里
有萬重之山無一里之坪凡秩在九典而有闕正供

平利縣志

卷四 藝文

聖

者固無不與他邑同至於城垣則跨山臨溪周迴不
過三里高者僅及其肩頽毀強半者高不踰尺虎豹
時往來食民畜犬豕無禁衙署茅茨湫隘僅蔽風雨
城中居民二十餘家嚮晦則閉戶自守不敢夜行街
間而山野之竹籬荆扉惴惴居息又可知矣閭縣人
烟僅四百餘戶散住于六百里竹箐荒茅之中落落
如晨星之麗天多于磽确崿嶽之坂火耕水耨以給
俯仰而供國稅貧者並無握粟富者亦無兼年之食

山間產漆蜜然如昔人所云董董物之所有取之不足以便費桑麻紡績生民恒業咸棄而不知務是以守斯土者欲為保障為繭絲如漢召信臣之于南陽勸民農桑去本歸末郡以殷富亦徒懷其願又况節禮和樂如文翁之化蜀勸學興行更有志未逮盖平邑明季屢經兵火土地荒殘文献闕如故凡一切風土人物可喜可傳可驚可愕之事咸淹沒不彰甚可慨也前令王所編邑志已畧陳梗概茲因踈漏大多

平利縣志

卷四 藝文

聖

復重為据摭編集第當文献無徵之後亦聊存十一于千百以脩輶軒之採擇云尔若欲脩一國之典故民物以有裨政教則請俟來哲

中皇山女媧氏廟碑記

古 禮

粵稽女皇庖媧氏古三皇之一也風俗通云伏羲女媧神農是為三皇潜夫論云伏羲神農為三皇其一曰女媧迨後人誤以黃帝列於三皇又或以燧人祝融當之而女皇之功德遂畧而不紀然觀孔子所述

五帝德黃帝為五帝之冠其不得躋於三皇明矣至燧人祝融神聖之迹不少概見故惟女媧之功德堪與伏羲神農埒則應劭王符以女媧為三皇之一信非誣也金州平利縣東十五里有女媧山其高三千仞其蜿蜒如龍其平衍如堤岡巒起伏綿亘四十五里遷迤而登不覺其高及凌絕頂則羣山盡在其下恍見千巖拱衛萬壑爭趨之勢羅泌云女媧立治於中皇山山在金州之平利與伏羲山接伏羲山在西平利縣志

卷四 藝文

四

城即此也輿地紀勝云女媧山在平利縣東上有祠曰女媧聖后此唐宋舊祠也在今廟之西數里遺址尚存不知何時移建今廟廟東直列三臺臺高十數丈因又名三臺寺乾隆元年奉

詔勅修各帝王陵廟禮時承乏吉陽因申請各憲得建修焉按祭法云法施於民則祀之以勞定國則祀之禦災捍患則祀之女皇之功德載在明堂之籍紀於蘭臺之史錯見於冲虛鴻烈世本路史諸書路史

云女皇妯娌氏雲姓太昊之女弟生而神靈佐太昊
正姓氏通行媒重萬民之判是曰神祿又總紛而笄
加之髮帶而頭飾用更命臣隨制笙簧禮所謂女媧
之笙是也又命娥陵氏制都良管命聖氏制班管名
曰充樂樂成而天下得其理其瑟用二十五絃焉是
人倫之紀禮樂之原權輿於此可不謂法施於民者
乎太昊崩黑龍氏共工之子康回作亂與其臣相繇
竊保冀方女媧乃滅共工誅相繇然後四極正冀州

平利縣志

卷四 藝文

四十五

寧媧媧乃立號曰女皇氏治於中皇山之原所謂女
媧山也繼興於驪治百三十載而殂落葬於董龍右
塞所謂風陵堆也可不謂以勞定國者耶班氏序古
今人物表以女媧列於九等之二列子謂女媧大聖
人之德煉五色石以補天斷鰲足以立四極淮南子
亦云女媧不設法度惟以至德遺後世殺黑龍氏以
濟冀州積蘆灰以止滯水雖列子淮南率多屬寓言
然禦災捍患之意亦因可想見矣又陸賈謂天皇封

第瑀於汝水之陽後為天子因名汝皇其說雖與眾異然其為聖為皇則一也歷觀經傳所紀女皇之功德彰彰如是信非燧人祝融之所能及則其列於三皇也何疑而其當臚於祀典又何疑宜乎唐宋以來廟祀不絕今又經奉

旨勅修更永永年代傳於無窮也既落成致祭爰繫以歌曰三台崛起兮木森森廟貌巋然兮肅清雷為車兮蜺為旌雨冥冥兮風泠泠皇冉冉兮來臨願蒸嘗兮苾芬又歌曰皇為聖兮為神禦災捍患兮大庇斯民姓氏正兮倫紀明禮樂制兮四極寧寢廟奕奕兮享祀成於萬斯年兮世世其承

平利縣志

卷四 藝文

異

魁星閣記

邑黃 寬

有山翼然有水潏然有修竹古木高下森然則攬形勢之勝者宜有傑閣之巍然煥然此魁星閣所由建也平利於興屬為首邑曩值明季兵燹地墟城圯榛莽毘連採風者生歎今幸際

聖朝至治翔洽百有餘年生齒漸繁田疇日闢則導揚
雅化丕振文風蒞斯土者夫亦有不得辭之責乎城
西數十武居學宮之左偏勢宜高聳向有魁樓故址
久就頽廢今合諸紳士鼎新之鳩工於季春竣事於
孟夏翬飛鳥革高峙一邑之屏藩矣然茲閣之建豈
惟以是助勝觀崇廟貌余願邑中士子登斯閣者徃
復於地靈人傑之義文章經術皆務以遠大自期則
麟麟炳炳必有應運而起以鳴

平利縣志

卷四 藝文

四七

國家之盛者邑中之山水竹木亦為增色庶宰之向所
矚然者至是而躍然也

平利縣城隍廟祈雨文

黃寬

竊惟無微不格人神同此一誠有感皆通幽明初非
二理恭惟尊神一方保障萬姓瞻依佑國佑民體天
地生成之德降祥降福作羣黎庇蔭之司茲當六月
初旬乃值連朝乾暵維神赫然為此邑主若父母之
恤子孫豈天重因此一方民等崑岡之焚玉石撫此

山磽土瘠之處即使雨暘時若猶有向隅乃在滋苗
沃黍之時忽際亢旱堪虞致危累卵寬等黍為民牧
實切心驚宰即無德以庇人神可為民而請命睹茲
酷暑急賴甘霖伏望大顯威靈速施利濟一天好雨
村村禾黍增青百道飛泉處處田疇漾綠庶見生靈
有賴共仰福蔭無窮凡此披肝瀝膽之言豈第祝嘏
焚香之套民亦勞止倉皇非等尋常神之格思陳請
寧煩再四謹疏

平利縣志

卷四 藝文

哭

至平利縣

興安州守劉德新

嶺嶂層圍黑子城溪流如帶石如撐竹籬茅舍人稱
市野鳥閑花自識各地僻不聞鶩犬吠山深止許白
雲耕僕夫叱馭穿林度幾片紅霞映日明

望藥婦山

興安州貢生劉應秋

吉陽古道千峰繞望裡人傳藥婦山鶴老松枝殘雪
擁花飄石磴野雲閑桑田此日經三變丹竈何年問
九還只恐劉郎歸去後風霜憔悴舊紅顏

其三

翠壁深林紫灞水綠毛女子出秦宮但聽環珮迴翔
近只在烟霞去住中玉宇照人留夜月琪花滿地笑
春風問君藥婦今何往似隔懸崖無路通

大兄官宰湖南安鄉以安鄉風土詩四首寄示
即依原韻答和

黃寬

平利山中縣林巒是處明畸零田易竟高下路難平
筍蕨官厨採壺觴野叟迎園墻長有草只此是蓬瀛

平利縣志

卷四 藝文

四九

其二

平利山中縣春深遍嶺花巍峩清戶牖野菓飽烟霞
草舍藏林麓禾塍傍水涯繁華從未解翻羨野人家

其三

平利山中縣山深層復層晴嵐濛若雨野燒燄逾燈
喧噪林多鳥淒清寺少僧民瘼應塵念未敢道閒凭

其四

平利山中縣登高灝氣舒奔馳人逐鹿馴擾獺啣魚

秉耒多儒彦

邑中士子多儲糧有吏書

書吏多從鄉中自帶米麵

入城辦事

醇風希太古先賴黍與與

邑中人物僅傳明末羅公世濟以解元任澠池

教諭殉賊難紀詩一律用誌景仰 黃寬

丈夫壁碎始為完一點忠忱白日寒血與藻芹相映

碧心因烽火愈知丹疆場奕世捐軀報 子得鴻練鄉兵守城殉賊

難俎豆千秋洗眼看不有儒官真鐵漢楷模誰最炳

毫端

平利縣志

卷四 藝文

五

登大頂山

因奉文查輯地方到山頂

黃寬

山寒禽鳥無棲止絕巘難緣倩樹攀境接危崖嵐霧

冪路衝飛瀑水潺潺苔深歷歲空行跡檄捧茲辰特

往還野叟導行曾採蠟少時一陟髮今斑

山中楓葉

黃寬

高旻如洗碧峯清正是楓林照眼明推赤不同蒲柳

怯杼丹何用蝶蜂迎青筠遙映偏增色紅日相輝倍

有情秋水澄泓秋嶺瘦風光藉爾一支撐

其二

豈是天公宴素娥亭亭高樹亦顏酡數株應傍幽人
宅一葉曾題御苑波咀墨咏歸詩卷韵研硃點入畫
圖多何須錯引春花比正色凌霜自不磨

送姚邑尉告休歸嘉興

任平利尉十五年頗有賢聲

黃寬

蕭然幙被興逾酣好理陶家舊徑三出郭壺觴爭進
綠長途山岫坵坵拖藍曩時遊從蹤仍密此日尊鱸味

平利縣志

卷四 藝文

五

正甘旣飽西風東去穩吳山北畔太湖南

九日偕蘓廣文登觀山

黃寬

近郊峯岫接高旻聯袂同登笑語頻且挹碧山盟白
水還看紅樹界青筠瘠區所幸風猶厚秋色何妨意
自春喜是黍稌黃徧野望中麥隴又昉昉

邑中自

本朝設科尚未有登文鄉會榜者最

士子學四律

黃寬

秦中丹桂發莫但讓人攀執藝猶居肆安禪尚閉關

功深曾透鐵志定足移山所冀天荒破書升咫尺間
其二

誰道天衢遠其如刻苦何聯翩懷破壁矯出耻隨波
山靜宜勤讀林空可浩歌不甘居怯懦驥首振岩阿
其三

編邑多名輩母為積習牽英思常怵後盛事可開先
經濟高懷抗才華健筆肩起衰看鼓勇輝映百年前
其四

平利縣志

卷四 藝文

五

簡編涵至味詎特為功名但作圖南計何堪累北情
錦標輝鳳藻金石琢鴻聲道妙因文見還超世所榮

錦屏春霽 平利八景

黃寬

青葱山色總當衙生致春來喜漸加翠滴中庭清影
足何妨滿取是烟霞

鳳山疊翠

奇峰疊峙水迴縈古樹如虬黛影橫到客乍疑逢異
境不知此內有山城

中皇晴雪

四野山巒繞翠蘿忽驚先見玉嵯峨農夫望裏都懽
語占得年豐此地多

灌溪百折

明澈泉流似往還山陬憑藉水迴環清溪解助林巒
勝一遇林巒幾作灣

秋山竹徑

是處虛心隱君子宜烟宜雨又宜風西秦自足瀟湘
平利縣志

卷四 藝文

五三

北岡古桂

高柯曾閱幾滄桑水碧山青境地涼看遍長安花最
盛也應僻地有天香

觀山爽眺

野色參差儼畫圖衆峯如拱水如趨山城遍地延清
景曾有塵氛半點無

藥婦雲封

曉霧屏幃草髻鬟長留勁骨拔塵寰自來笑採薜蘿
者羞上亭亭藥婦山

錦屏春霽

蘓州陸欽

沓壁連璋迤邐開傍城屈曲護春臺微風斜度鷓鴣
韻疑和黃香銘語來

鳳山疊翠

澗壑重重漏影微青雲常礙白雲飛月明風動蕭疎
處似有仙人跨鳳歸

平利縣志

卷四 藝文

五十四

中皇晴雪

輝素猶存太古風飄然獨挺萬峯中自來青女還臣
服先占嶮州木石融

灌溪百折

明珠百斛織晴沙宛轉游龍俯碧霞若使流觴傳盛
事蘭亭恐更讓些些

秋山竹徑

遠含雲影近含烟千畝何須羨渭川雅愛秋聲長在

耳望中不盡綠連天

北岡古桂

偃蹇連蜷老更香
風吹十里郁芬芳
竚看結實應同橘
留待他年鳴鳳凰

觀山爽眺

昫昫四望接平蕪
雲破烟消呈畫圖
龍卧有池鶴駕杳
尚餘佳節喚醍醐

藥婦雲封

平利縣志

卷四 藝文

五

芳名好共武昌山
藥籠常留白石間
只有孤雲堪作伴
高踪那許俗緣攀

登女媧山

邑廩生 王惠民

徑曲盤青磴峯高聳碧天
雲深樵指路礮落鳥窺泉
古寺筠梢雪踈林樹杪烟
因思煉補事延竚萬山巔
知縣黃寬謹按凡志末載
藝文亦曲終奏雅意也
乃地非衝要罕題黃絹之
詞境鮮遊蹤莫著錦囊之
什雖漢廣江永溯好句其
如新而字燼

書法有美篇之多。起搜遺章於什一。孰是探驪寄
桑田於短長。殊慚窺豹所願。後之君子尚富清
覽。以成美觀。或碩畫嘉謨。鴻文灑瀚。或藻詞麗
佳。綏管苾綿。轢古切今。畢繪問閭。甘苦漱芳。吐
竅。亦傳巖壑。精神庶濬。思與聲水同清。結響並
鳳山。身卓云。

平利縣

卷四 藝文

五

志也者信今傳後使人感發振興而風俗之淳龐人
物之蔚起皆係於此所關非淺鮮也平邑建置歷代
屢更萬山如故迨我

朝父道化成而烟戶之寥落者今漸濟濟湊集成一勝
區至問當年之山川形勝以及風俗人物則皆零星
錯落未有成書邑侯黃公來撫是邑政通人和慨
然以修志為已任幾歷晦明廣為搜輯公餘抄錄其
次序補至遇名山佳景親加詩序以昭勝致書成將

平利縣志

卷四 跋

七

付梓質之於余余自揣才識庸淺不克贊助一字因
思公以著作之才為平邑計久遠其間忠孝節義
皆足以感發人心後之閱是書者則知公之化民
成俗惠養斯土者其經濟亦足窺見一斑云

昔

乾隆乙亥孟春古麟蘓天職謹跋於平利學署中

